

PRIJEDLOG

Na osnovu člana 55. Statuta Općine Ilijaš, prečišćeni tekst ("Službene novine Kantona Sarajevo", broj: 20/09), člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10), a u vezi sa članom 8. Odluke o utvrđivanju interesa za organizovanje i održavanje Manifestacije kulture, sporta i trgovine "Ilijaški dani" ("Službene novine Kantona Sarajevo", broj: 9/11), Općinsko vijeće Ilijaš na svojoj redovnoj 11. sjednici održanoj 26.septembra 2013.godine, donijelo je:

ODLUKU

o utrošku dobiti Manifestacije kulture, sporta i trgovine "Ilijaški dani" za 2013.godinu

Član 1.

Ovom Odlukom JAVNOJ USTANOVI "KULTURNO-SPORTSKI CENTAR I RADIO ILIJAŠ" ILIJAŠ odobrava se utrošak ostvarene dobiti Manifestacije kulture, sporta i trgovine "Ilijaški dani" za 2013.godinu u ukupnom iznosu od 3.974,00 KM (Slovima:trihiljadedevetstotinasedamdesetčetiri i 0/100KM).

Član 2.

Sredstva iz člana 1. ove Odluke mogu se koristiti isključivo za nabavku FM BANDPASS FILTERA frekvencije 87,5-108 MHz, snage 0,6kW;

Član 3.

JU "KULTURNO-SPORTSKI CENTAR I RADIO ILIJAŠ" ILIJAŠ je dužna izvršiti nabavku roba iz člana 2. ove Odluke i izvršiti izbor najpovoljnijeg ponuđača u skladu sa Zakonom o javnim nabavkama („Službeni glasnik BiH“ broj 49/04, 19/05, 52/05, 8/05, 8/06, 24/06, 70/06 i 60/10).

JU "KULTURNO-SPORTSKI CENTAR I RADIO ILIJAŠ" ILIJAŠ dužna je dostaviti pismeni Izvještaj o utrošku sredstava stručnoj Službi općinskog vijeća i općinskog načelnika.

Član 4.

Oprema iz člana 2. ove Odluke ustupa se na korištenje JU "KULTURNO-SPORTSKI CENTAR I RADIO ILIJAŠ" ILIJAŠ.

Član 5.

Za realizaciju ove Odluke zadužuje se JU "KULTURNO-SPORTSKI CENTAR I RADIO ILIJAŠ" ILIJAŠ.

Član 6.

Ova Odluka stupa na snagu danom objavljivanja u "Službenim novinama Kantona Sarajevo".

Broj: _____/13
Ilijaš, 26.septembar 2013.godine

Predsjedavajući
Općinskog vijeća Ilijaš

Damir Filipović s.r.

O b r a z l o ž e n j e:

Pravni osnov za donošenje Odluke o utrošku dobiti Manifestacije kulture, sporta i trgovine "Ilijaški dani" za 2013.godinu nalazi se u članu 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09) kojim su definisane nadležnosti Općinskog vijeća. Članom 99. Poslovnika Općinskog vijeća Ilijaš ("Službene novine Kantona Sarajevo", broj:2/10) definisani su propisi koje donosi Općinsko vijeće. Član 8. Odluke o utvrđivanju interesa za organizovanje i održavanje Manifestacije kulture, sporta i trgovine "Ilijaški dani" ("Službene novine Kantona Sarajevo", broj: 9/11) u stavu 2. definiše:

"O utrošku ostvarene razlike prihoda nad rashodima, odnosno dobiti, odlučivat će Općinsko vijeće Ilijaš."

JU "KULTURNO-SPORTSKI CENTAR I RADIO ILIJAŠ" ILIJAŠ obratila se Općini Ilijaš s molbom da se dobit od Manifestacije kulture, sporta i trgovine "Ilijaški dani" za 2013.godinu usmjeri za nabavku FM BANDPASS FILTERA frekvencije 87,5-108 MHz, snage 0,6kW, čijom ugradnjom bi se omogućio rad predajnika Radio Ilijaša na Karašnici. U obrazloženju se navodi da zbog zastarjelosti opreme na ovom predajniku dolazi do odstupanja od propisanih tehničkih parametara u smislu prekoračenja dozvoljene devijacije od maksimalno propisane vrijednosti (+/- 75kHz) i miješanja u frekvencije drugih radio stanica, usljed čega je Regulatorna Agencija za komunikacije Radio Ilijašu izrekla privremenu mjeru za otklanjanje nevedenog nedostatka. Ako u zadanom roku nedostatak ne bude uklonjen, postoji opasnost da Radio Ilijaš izgubi dozvolu za rad i emitovanje.

Molimo vijećnike Općinskog vijeća Ilijaš da izglasavanjem ove Odluke omoguće nastavak emitovanja programa lokalnog Radio Ilijaša koji je jedini informativni medij ove vrste na području općine Ilijaš.

Nosilac stručne obrade: Služba za društvene djelatnosti

Predlagač: Općinski načelnik